



Sumvitg-Trun, ils 7 d'uost 2024

Tarmess via Klapp ils 07-08-2024

Beinvegni

Caras scholaras, cars scholars
Preziai geniturs

Nus sperein ch'ei mondi bein cun Vus e che Vus haveies passentau in bi temps da stad. Igl onn da scola 24/25 stat avon porta e nus admittein a Vus in cordial beinvegni!

Cun quest scriver lein nus sedrizzar a Vus cun entginas informaziuns.

Emprem di da scola

- Ils survetschs divins han liug a Rabius ed a Trun allas 08:15 ellas duas baselgias parochialas.
- Ils transports cureschan tenor urari.
- Ils affons da Rabius serimnan sin plaz pausa e serendan cun lur persuna d'instrucziun da classa en baselgia.
- Ils affons da Trun serendan directamein en baselgia.
- Affons che visetan buc il survetsch divin serendan allas 08:15 sin plaz scola e vegnan survegilai dad ina persuna dil Consorzi da scola Sumvitg-Trun (CSST). Per saver far diever dalla survegilanza basegna ei l'annunzia al CSST entras ils geniturs entochen il pli tard venderdis, ils 09-08-2024, via Klapp a "Administraziun CSST".
- Suenter ils survetschs divins:
 - serendan ils affons da Rabius cun lur persuna d'instrucziun da classa en casa da scola.
 - rimnan las persunas d'instrucziun da classa primaras da Trun lur affons sin plaz cadruvi e serendan comunablamein en casa da scola.
 - serendan ils affons dil scalem superiur sin plaz pausa nua ch'els vegnan beneventai da lur persuna d'instrucziun da classa.
- Ils geniturs dils affons dalla 1. scoletta e dalla 1. classa astgan accumpignar lur affons entochen pausa en stanza d'instrucziun.
- Tut ils affons, era ils superiors, han avon miezdi instrucziun entochen allas 11:35, e van a gentar u a casa ni alla meisa da miezdi (tut tenor sco quei che l'annunzia ei vegnida inoltrada).
Affons dall'emprema superiura che vulan far diever quei di dalla meisa da miezdi san annunziar quei via Klapp a "Administraziun CSST" entochen venderdis, ils 09-08-2024.
- Naven dalla pausa da miezdi vala gl'urari ordinari.

Transports:

- Ils uraris da transport ein publicai sin nossa pagina d'internet (www.scolasumvitgtrun.com).
 - Igl urari enteifer la vischnaunca da Sumvitg ei vegnius adattaus parzialmein.
Adatg: Far stem dils novs temps da partenza.



- Trun: Ils abonnaments dils affons dils uclauns ein deponi directamein egl auto da posta, aschia che quels ein adina avon maun tier eventualas controllas externas.

Survigilanza en cass che l'instrucziun croda

- Vala duront il temps da bloc (Rabius = 08:05–11:35, Trun = 08:10–11:35) per ils affons da scoletta e dil scalem primar.
- En cass che l'instrucziun havess da curdar (p. ex. per motivs da maldispostadad da persunas d'instrucziun, conferenzas, e.a.v.) han ils geniturs la pusseivladad da schar survegilar lur affons duront il temps da bloc entras il CSST.
- Giavischa ina famiglia ina tala survegilonza, ston ils geniturs annunziar via KLAPP a "Administraziun CSST" il basegns enteifer il temps indicau el messadi.
- Il CSST tarmetta igl eventual messadi che l'instrucziun croda aschi baul sco pusseivel, vul dir u la sera avon ni la damaun marvegl.

Occurrenzas

- Tuttas occurrenzas gia enconuschentas e definidas ein publicadas el calender da KLAPP.
Nus supplichein Vus da consultar regularmein il calender.

Reglament Medias e TIC

- Il Reglament Medias e TIC ei vegnius repassaus ed approbaus dil Cussegl da scola e va en vigur cul niev onn da scola 24/25, ed ei publicaus silla pagina d'internet dil CSST.
Ils documents elaborai da niev secumponan dil Reglament Medias e TIC (public), dalla Cunvegna d'utilisaziun (denter CSST ed ils SeS), la Strategia (intern) ed il Concept pedagogic (intern).

Emprova generala dil teater "Sut igl ischi"

- Mesjamna, ils 14-08-2024, allas 20:00, ha liug l'emprova generala dil teater "Sut igl ischi" en connex cul giubileum 600 onns Ligia Grischa. Il teater ha liug a Paliu da sogn Martin sut la baselgia da Trun.
- Ils organisaturs envidan ils affons dil CSST e lur geniturs all'emprova generala.
- Ils affons ein duront quei temps sut la survegilonza da lur geniturs.
- Cordial engraziament als organisaturs pigl invit.

Da cor giavischein nus a Vus ina bun'entschatta dil niev onn da scola 24/25.

Cordials salids

Francestg Friberg

menader da scola general

Rita Wolf

submenadra da scola